

Broj: 03-01-285-1/22

Datum: 15.04.2022. godine

Na osnovu odredaba Zakona o radu („Službene novine Federacije BiH“, broj 26/16, 89/18 i 23/20), Općeg kolektivnog ugovora za teritoriju Federacije BiH („Službene novine Federacije BiH“, broj 62/16), Okvirnog kolektivnog ugovora o pravima i obavezama poslodavaca i radnika komunalne privrede za teritoriju F BiH („Službene novine Federacije BiH“, broj 79/16), Uredbe o postupku prijema u radni odnos u javnom sektoru u TK („Službene novine TK“, broj 4/19, 4/20 i 11/20), Pravilnika o radu u JKP „Saobraćaj i komunikacije - Tuzla“ d.o.o. Tuzla i Odluke o potrebi prijema u radni odnos broj: 03-01-285/22 od 15.04.2022. godine, direktor raspisuje:

JAVNI KONKURS za prijem radnika u radni odnos na neodređeno vrijeme

Konkurs se raspisuje za radno mjesto:

1. Administrator obrade podataka - 1 izvršioc

Opis poslova Administrator obrade podataka:

- nadzire procese rada u centru za nadzor i upravljanje;
- otklanja nedostatke u procesu rada u skladu sa svojim odgovornostima;
- obavještava nadređenog o mogućim problemima u procesu rada;
- vodi evidencije od značaja za rad Javnog komunalnog preduzeća „Saobraćaj i komunikacije – Tuzla“ d.o.o. Tuzla;
- obavlja i druge poslove po nalogu neposrednog nadređenog.

Kandidati moraju ispunjavati opće i posebne uslove i to:

OPĆI USLOVI:

- da su državljani Bosne i Hercegovine,
- da su stariji od 18 godina,
- da se protiv njih ne vodi krivični postupak,
- da su zdravstveno sposobni za obavljanje poslova utvrđenih za radno mjesto,
- da nisu obuhvaćeni odredbom člana IX Ustava Bosne i Hercegovine.

POSEBNI USLOVI:

- završena najmanje srednja stručna sprema minimalno četvrti stepen
- najmanje šest mjeseci radnog iskustva na gore navedenim istim ili sličnim poslovima
- položen vozački ispit B kategorije.

Potrebni dokumenti:

- kraća biografija, adresa i kontakt telefon;
- prijavni obrazac
- diploma o završenoj školi;
- potvrda ili uvjerenje, od ranijeg poslodavca ili poslodavaca, o radnom iskustvu kojim se potvrđuje radno iskustvo kandidata na gore opisanim ili sličnim poslovima;
- izvod iz matične knjige rođenih (original ili ovjerena kopija) - ne stariji od 6 mjeseci;
- uvjerenje o državljanstvu (original ili ovjerena kopija) - ne starije od 6 mjeseci ;
- original ili ovjerena fotokopija CIPS-ove potvrde o mjestu boravka – prebivališta;
- ovjerena fotokopija lične karte;
- uvjerenje da se protiv kandidata ne vodi krivični postupak – ne starije od 3 mjeseca;
- ovjerena izjava kandidata da nije obuhvaćen odredbom člana IX Ustava Bosne i Hercegovine
- ovjerena fotokopija vozačke dozvole.

Napomena: samo izabrani kandidat će biti u obavezi u određenom roku dostaviti ljekarsko uvjerenje kao dokaz da njihovo zdravstveno stanje i psihofizičke sposobnosti odgovaraju uvjetima radnog mjesta za koji se raspisuje javni oglas kao i uvjerenje o nevođenju krivičnog postupka.

Lica koja imaju prednost pri zapošljavanju, shodno posebnim zakonima, dužna su dostaviti uvjerenja/potvrde kojim dokazuju prioritet u zapošljavanju, koje prilažu uz prijavu, pozivajući se na poseban zakon po kojem imaju prednost.

Dokumenti koji se prilažu uz prijavu moraju biti originali ili ovjerene kopije dokumenata (ovjera ne starija od tri mjeseca).

Sa kandidatima koji budu ispunjavali formalno-pravne uslove, Komisija za izbor kandidata za prijem u radni odnos će obaviti intervju (usmeni test), nakon čega će sačiniti rang listu kandidata.

Sa kandidatima koji budu izabrani i primljeni u radni odnos, zaključiti će se ugovor o radu na neodređeno vrijeme najkasnije 8 dana od dana konačnosti odluke o prijemu kandidata u radni odnos.

Kandidati će biti pismeno obavješteni o ishodu Oglasa, a priložena dokumentacija se neće vraćati, izuzev originalne dokumentacije na lični pisani zahtjev kandidata.

Prijavu sa potrebnim dokumentima sa naznakom "**Prijava na konkurs za radno mjesto Administrator obrade podataka**" dostaviti u zatvorenoj kovrti lično ili putem pošte na adresu: **Trg stara tržnica bb, Administrativne prostorije JKP „Saobraćaj i komunikacije - Tuzla“ d.o.o. Tuzla, 75000 Tuzla, Komisija za izbor kandidata za prijem u radni odnos – NE OTVARATI.**

Nepotpune, neblagovremene i neuredne prijave neće se uzimati u razmatranje.

Javni oglas se objavljuje u dnevnom listu „Oslobođenje“ i web stranici JKP „Saobraćaj i komunikacije - Tuzla“ d.o.o. Tuzla , a isti će biti dostavljen JU „Služba za zapošljavanje“ TK.

Oglas ostaje otvoren, odnosno prijave se mogu dostaviti, do 25.04.2022. godine do 15:00 sati.

PRIJAVA ZA KONKURS SE PODNOSI NA PRIJAVNOM OBRASCU KOJI SE MOŽE PREUZETI NA INTERNET STRANICI www.siktz.ba

DOSTAVLJENO:

- 1 x Dnevne novine “Oslobođenje”
- 1 x JU “Služba za zapošljavanje” TK
- 1 x Internet stranica - www.siktz.ba
- 1 x a/a

VD DIREKTOR

Nedžad Malikić ing. saob.

